

SMALL GROUP DISCUSSION GUIDE

Para sa tibuok semana, Septyembre 29-Oktubre 5, 2024

“ANG BALANG PAGTAWAG”

ALANG SA PAGESUGOD

Ngadto sa facilitator: Gamita kini nga seksyon sa pagpaila sa hilisgutan. Kon mahimo, paghatag ug mubo nga recap sa sermon.

Pagpaambit og usa ka halandumon nga punto, usa ka espirituhanon nga leksyon, usa ka personal nga aplikasyon, usa ka pangutana, o usa ka butang nga nakahagit kanimo gikan sa wali sa miaging Domingo.

Unsa ang usa ka butang sa imong kinabuhi nga kinahanglan nimo nga pagtrabahoan og maayo, ug unsa ang imong nakat-unan sa proseso?

DISCUSSION SA GRUPO

Basaha Mga Taga-Filipos 2:12-18.

1. Sa bersikulo 1-2, si Pablo naghisgot bahin sa panaghiusa. Ngano nga ang panaghiusa importante sa simbahan? Sa unsa nga paagi, kita makabaton sa panaghiusa?
2. Sa dihang si Pablo miingon, “panglimbasogi ninyo ang inyong kaugalingong kaluwasan uban ang kahadlok ug pagkurog,” unsay iyang gipasabot? Ang Kristohanong kinabuhi ba nanginahanglan ug daghang paningkamot o gamay ra nga paningkamot? Unsa ang kalainan tali sa pagtrabaho alang sa imong kaluwasan ug pagtrabaho sa atong kaluwasan?
3. Ang bersikulo 13 nag-ingon nga ang Dios mao ang “nagabuhat diha kanimo sa pagtinguha ug sa pagbuhat alang sa iyang kahimuot” (ESV). Makahunahuna ka ba og piho nga mga ehemplo diin kini magamit sa imong kaugalingong kinabuhi?
4. Sa unsang paagi ang pagbagulbol ug panaglalis makapahuyang sa grasya sa Diyos? Basaha ang Exodo 16:8, 1 Corinto 10:10. Unsa ka dako nga butang ang pagbagulbol ug pagreklamo?
5. Unsay imong gibati sa mga tigreklamo? Unsay kadaot ang mahimo niini? Kung i-rate nimo ang imong kaugalingon gikan sa 1-10 ingon usa ka tig-bagulbol, unsa ang imong makuha (10 = labing grabe nga tigreklamo)? Si Pablo ba yanong nag-ingon, “Paningkamot lang gayod nga dili moreklamo”? O aduna pa bay labaw niini?
6. Sa dihang si Pablo naghisgot bahin sa “pagkupert pag-ayo sa pulong sa kinabuhi,” unsay kahulogan niana sa praktikal nga diwa? Nganong hinungdanon nga kita makagamot pag-ayo sa Pulong sa Diyos?

7. Unsa ang gipasabot ni Pablo sa dihang siya miingon nga siya gibubo sama sa usa ka halad nga ilimnon? Unsay koneksiyon niini sa pagsimba?

SUNOD NGA MGA LAKANG

- Panglimbasogan ko ang akong kaluwasan uban ang kahadlok ug pagkurog, sa pagkahibalo nga ang Dios naghatag kanako sa ingon nga grasya nga dili nako takos.
- Magsalig ko sa kusog sa Diyos ug dili sa akoo.
- Mohunong na ko sa pagbagulbol ug panaglalis.
- Maningkamot ko sa pagpalawom sa akong relasyon kang Jesu-Kristo ug motubo sa akong pagsabot sa iyang Pulong.
- Magseryoso ako sa tawag sa Dios alang kanako nga mahimong kahayag sa kalibotan sa akong palibot.
- Akong mahinumduman nga ang akong kinabuhi usa ka “halad nga ilimnon,” usa ka pagsimba ngadto sa Ginoo..

Ayaw kalimot sa:

- Pag-agi sa mga debosyonal kada adlaw niining semanaha.
- Pagbaton ug regular nga adlaw-adlaw nga oras sa pag-ampo ug pagbasa sa Pulong sa Diyos.

ALANG SA PAGTAPOS

Tapusa ang sesyon pinaagi sa paggahin og panahon sa pag-ampo alang sa usag usa. Ikonsiderar ang mosunod samtang mag-ampo ka:

- Pag-ampo alang sa mas lawom nga pagsabot sa imong tahas isip representante ni Kristo sa kalibutan sa imong palibot.
- Pag-ampo alang sa mga relasyon nga motubo uban sa ubang mga sumusunod ni Kristo, nga kamo magdasig ug mag-atiman sa usag usa.
- Pag-ampo alang sa imong wala pa naluwas nga pamilya, mga higala, ug mga minahal.
- Pag-ampo alang sa proteksyon, probisyon, pag-ayo ug kahupayan alang sa tanan nga nag-antus sa pisikal, emosyonal, mental ug espirituhanong kasakit.

BIBLE READING GUIDE

Septyembre 30	Mga Taga-Filipos 2:12-18
Oktubre 1	1 Juan 5:1-13
Oktubre 2	Mateo 5:13-16
Oktubre 3	Numeros 21:4-9
Oktubre 4	1 Corinto 1:18-25
Oktubre 5	Salmo 27:1-14
Oktubre 6	Lucas 17:7-10